

Richard Lopez Henriquez cu 7 voto na favor a bira Presidente nobo di Amateur Baseball Bond Aruba

ORANJESTAD (AAN)-- Despues di un campaña cu tabata circula pa core cu e presidente actual di Amateurs Baseball Bond Aruba, Sr. Booshi Wever, ayera merdia den un reunion general a keda demostra, cu Sr. Booshi Wever, no ta e persona adecua pa sigui dirigi e campeonato di nos baseball arubano.

Durante e reunion general dos

persona esta Booshi Wever y Richard Lopez Henriquez tabata e candidatanan pa por ser eligi como presidente.

Mirando un campaña fuerte cu tabata core rond di e presidentschap, Richard Lopez Henriquez a haya un total di 7 voto contra 6 di e presidente saliente Booshi Wever.

Como resto di miembronan a keda eligi, Ricardo Wever cu 13

voto, Claret Lopez cu 9, Edwin Dirksz cu 8, Gabriel Illigde cu 7, Jossy Lacle 7, y Vincent Leysner cu 7.

Pa completa nueve miembro di directiva a keda sra. Annie Henriquez y Milo Croeze.

Esnan cu no a keda eligi tabata: Juancho Kock, Leopold Lacle y Clyde Croes kende nan a haya solamente 6 voto cu no tabata suficiente pa bira miembro di



directiva.

Pa comision di caha a keda eligi Ruben Giel cu 8 voto, Frank Artsen 7 y Rufina Kock cu 7.

Pa comision apelacion, Edwin

Ras cu 10 voto, Donald Bally cu 8, Edgar Colina 6, Harold Hagens 6 y Hugo Mohamed cu 8.

Segun comentarionan cu ta cir-

cula rond, e campeonato di Baseball 1990/91, lo cuminsa otro luna dia 13 April, pero lo

bay bini un reunion cu e directiva nobo pa delibera esaki mas bien.

DIARIO ta desea e directiva nobo aki hopi exito y forza y pa lucha pa e deporte di baseball por coi un rumbo nobo.

Korball ta cuminsa prepara pa Driekamp contra Antillas

ORANJESTAD (AAN) Enconecion cu e hecho du Internacional Korfbal Federation a tuma e decision pa Curacao, Bonaire y Aruba mester hunga un driekamp di korfbal na Aruba na Juni venidero, Korfbal Bond Aruba a punta Sr. Tommy Croes como coach/entrenador pa e seleccion Arubano.

E ganador di e driekamp aki lo participa na e World Championship di korfbal na Antwerpen Belgica otro aña, hunto cu U.S.A. di e continente Americano.

E seleccion lo cuminsa train ariba Dialuna y Diabierna, pues dos biaha pa siman y despues lo drenta sala, pa motibo cu e weganan ta indoors.

Seleccion ta consisti por lo pronto di ocho hungador di Noord Masters y mescos di Bionic. Pa Noord lo tei; Edna Zievinger, Angelic Gil, Charissa y un dama mas, Dean Gumbs, Emiliano Baarh. Oscar Ridderstaat y Eugene Paesch y di Bionic lo tei; Jessy Maduro, Sherry Gomes, Lenchy Lopez, Sharine Luidens, Tico Dirksen, Betto Thiel, Anthony Dijkhoff y Maurits Dijkhoff, suplente pa Bionic Maikito Croes y Peter Knot. No ta ser exclui e posibilidad cu Sr. Rudney Lopez tambe lo bay forma parti di e seleccion como mihor hungador di Bionic pa 1987, 1988 y 1989.

E seleccion ta cuminsa ariba veld di Bionic di 5 or pa 7 or di atardi.

Real Juventus a uni cu Liprof

ORANJESTAD (AAN) Parce cu Liprof a haya un miembro nobo. Ta trata aki di Real Juventus cu ta hunga den Division Tres di A.V.B.

Liprof ta consisti di 5 equipo cu ta R.C.A., Dakota, Bubali, S.L.D. y La Fama, awor cu Real Juventus e liga a cuminsa bira grandi y hayando apoyo. E cinco

equiponan cu a funda Liprof ta equipo grandi y nan ta superior riba Real Juventus den un campeonato.

No tabata posible pa haya un miembro di Liprof pa confirma di e noticia aki. Pero asina cu DIARIO haya confirmacion lo e ser treci na su lectoman.

Jong Aruba Meta Corp a gana Brazil Jrs

ORANJESTAD (AAN) Diasabra a inicia e pre campeonato di futbol A.V.B. cu e wega Jong Aruba Meta Corporation y Brazil Jrs. Un wega regular y algun vez rapido a trece emocion y accion den e wega.

Jong Aruba a logra gana e wega pa penalty despues cu minuutnan reglamentario a transcuri empata 2-2.

Brazil Jrs a bay ariba cu gol di Ricardo Vos. Jong Aruba ta em-

pata cu gol di Hubert Tromp. Brazil a bolbe bay ariba cu score di Eddy Vos. Rubino Franken a

empata e wega.

A bay over na penalty unda cu Jong Aruba a logra gana cu score di 3-1.

Pa bo T-Shirt nan
ONLY PRINTING
Arendstraat 105
TEL 36732

ARUBA

LOVERS

ice cream

Now open in ARUBA !!!

Come and enjoy our exquisite and incomparable flavors.

- * **LOVERS ice cream** in its exciting parlour
- * **LOVERS ice cream**, Natural and Nutritious.
- * **LOVERS ice cream**, Super Premium Quality.

LOVERS ice cream, the taste of happiness.

LOVERS ice cream Parlour.

Open daily from 10:00 a.m. till midnight
* L.G. Smith Boulevard # 15